

田
間
詩
集

田間詩集卷第二十四

客隱集

起壬戌止甲子

壬戌仲春入城鄧樸菴招集宅後小亭

高居卜近北城隈宅後茅亭晚歲閒性本愛閒常閉戶
客惟求舊與銜杯推班讓汝南山長湊數客吾維社來
齒序十年兄事久漫將鬚髯偕追陪

翁長余十年而余髮漸白

送金寶王廣文回吳

通家意氣早相親以教江城喜近鄰庭館手栽花樹活
山川初聽箴絃新尋常生計因官拙寂寞歸裝較昔貧
舊傷花路居在石一枝且得暫栖身

開家介臣廣文

廣文同是舊王孫世系分明屬弟昆
研席頻移爲設榻衣襦盡典與開尊
官閒祇受交遊累俸薄難當食指繁
稍喜北堂親健在書聲繞砌慰晨昏

移居西田莊五首

拮据經五載卜築小山坊
自笑蠶營繭其如雛滿巢耕耘從此便
卷帙漸圓鈔汗漫一生過餘年爲解嘲
攜家去不遠煙火見前村
乍到兒童鬧同時雞犬喧
無牆旋扃棘逐徑且開門
最好秋收日移牀就樹根

北青山出牆東江水回本無多土物勿令委蒿來竹

母雨中乞松林薪後栽干霄應計日空著意相催

傳家惟數畝活計在桑麻人事應須盡吾生亦有涯樹
萊茄果接離帶野花遮可惜陽坡地分來自種茶

老樹餘柑梓森森亦繞廬故居人事謝枉道客來疎鄰
約嘗新酒孫歸背晚書授詩吟得好已覺慰階除

七月十六夜夜起看月

秋月新虧夜貪看獨老身青通天一洗白滿世皆新蟲
語定何處犬吠知有鄰萊妻聊伴坐睡熟少年人

將入吳寄王我建廣文

平生交道廣最久在三吳壇坫稱道老宮牆得大儒每

來分苜蓿常荷念，菰蘆卽有棲門棹。寄書東海無

癸亥社日雨集蟄存堂念杏花村不得往

趁晴逐伴看花來，風雨連宵特地催。每到山家爭索句，
況逢社日與銜杯。飄零小院愁將盡，僥倖前村冷未開。
爲語少年休敗興，老夫此願了方回。

白家灣

壞道泥濘興未闌，最堪憐處白家灣。恨不早來經雨澹，
喜多初放賴春寒。朦朧照眼仍存艷，飄落因風豈算殘。
見說芳時今欲過，過時合是老夫看。

過白安石先生故居

十里炊煙一帶斜，過門惆悵子雲家。
窗前礪絕通宵響，竹裏扉從片雨遮。
袖有新文呼酒讀，醅無宿釀隔山賒。
追憶先生沒後兒孫去，剩得親栽滿院花。

杏花村

石塘湖畔杏花村，幕府頻遊樹少存。
漁戶買魚供舉網，獵人過陂候追奔。
白茅階戴停車迹，綠草茵承漬酒痕。
惱殺居民薪作炭，數株留取待高軒。

雲巢

選坐移尊徧處遊，雨中刺促到林丘。
遙看柳色遮門近，回首花枝隔岸浮。
怪石奔騰天半隕，清泉隱見地中流。

由來勝地歸僧父莫悔從前不早謀

卽所見

村煙比屋土人稀處處尋花客醉歸柳碧倚紅增態色
菜黃鋪錦襯芳菲危時佑直求何急富室爭圖計已非
面面湖光當戶入更無曲折隱柴扉

溪莊

憶別溪莊七載餘騎驢不下到階除乍逢子弟遍堪竝
始覺交親迹太疎扶醉家家春社酒看花處處故人廬
知君意興年來盛媿我衰窮總不如

靈壽洞

杖策尋春山荆棘不可披路逢樵采人曲折導所之杲
然得洞口石壁青離奇若焉裂溪壑洞門俯可窺二子
踊躍下顧我筋力衰豈知高興發還忘磴道危遙見巖
際石欄如雲下垂石屋抗郡有煙霞石屋與溪波靈輿宛在茲
所窺洞門內幽幽堂有基其背得溪空杳冥不可知高
低石可坐皆是昔人支薪榛闕已久出現應有時遂陳
所攜酒欣然酌數卮白鹿七十餘陟降不言疲酌罷扶
醉山餘興還賦詩

重過便是樓

七年重到此已異昔來時宅近迂開徑泉奔匯作池無

窗不映竹是客盡稱詩有子家堪任乘時樂自爲
小亭方丈地草草見幽情俗儉茅充瓦林多竹作析詎
堪留熱客但可設棊枰枕簟追涼處松風四面清

示扶升從子

家聲雖替門庭在賴爾枝梧一姓人歲月飛騰驚已老
應酬雜沓諱言貧可憐族衆情難到爲念吾衰證更真
合室所需懷抱物含飴早慰白頭親

贈李當衡

百年敝宅近城闔門掩雙扉自在貧但坐誦經消暇日
有時賣畫過荒春吟朋酒伴談諧妙繹帽荷衣服色新

序齒踰君猶數輩論心除我有何人

近郊園林四首

便民城外小山阿新柳遮門帶淺河沙路客常扶醉返
板橋官爲式廬過池通溪水源流活徑入花闌曲折多
簾戶三間連紙閣不容一榻奈余何

潘蜀藻河墅

名園咫尺近西關布置新從虎穴還怪石洗開添礪壑
古牆拓出縱躋攀巧當泉注迎虛檻恰好城低讓遠山
歷盡艱危君不死餘生合向此中間

姚經三詠園

遠峰亭下藏書處傑閣層軒儘賜金樸素未忘家學儉
嘯歌常贊主恩深花街石壁當樓放樹暗回廊滿院陰

宜室卽今勤顧問肯容供奉戀園林

張夢敦遠峰亭

吾鄉勝地侈龍眠自愛西郊小築偏構屋無多惟匠意
買花期活不論錢新荷香驟風初過老檜陰移席與憑
笑指前岡懸瀑布爲君邀作繞階泉

方東來石門沖

送將樂余不遠還閩并寄雙峰何劔客諸子

我昔壯歲遊閩山一官半刺風塵間事去倉皇竄巖谷
谷口遺民恣往還垂老復作雙峰客何氏園林高士集
衣冠最古有余生酒酣話舊相持泣生也無家挾策遊
余亦終歲一扁舟三度相尋不相見留詩北山樓上頭
殘年細雨江天暮蹇驢泥滑江頭路十年離別話連宵

明晨冒雨渡江去，廬州邂逅殊草草。畢竟交情吳下好，
同宗耆舊忠孝人。謂余生半塘街上稱二老。君在吳下久，
有聲吟詩把筆任縱橫。詩思書法非時尚，高風亦自動。
公卿自出閩關十七載，無端蜃市須臾改。何氏尊前舊
酒人，君今歸去知誰在。何郎別我春城門，曾傳口訊到
江村。相逢應念吾衰甚，倘得重尋或尚存。

哭胡星卿

甲子

不見吾兄已六年，去冬忽沒有書傳。交游屈指情親少，
老大驚心契闊偏。思續舊遊傷歲晚，擬承清誨在春前。
差池兩月成今昔，望斷青山哭墓田。

公主墳園早析居蹢躅相訪竹間廬一貧傲骨身偏健
萬事傷心興有餘亂日家門常不保老年意氣已應除
八旬無恙徼天幸祇怪同人迹漸疎

雨過沙街馴象門朝朝攜手破苔痕同心漸失青山冷
雙眼徒穿白日昏稚子可能傳筆研老妻誰爲給簪殮
孤墳指去腸堪斷不忍重尋避世村

入吳途中酬方荪羽

出江皆共載分路亦聯檣祇恃通家誼還叨大父行維
才傾幕府小吏讓時裝夜泊無煩問安眠縱老狂

弘濟寺訪蒲菴和尚

紅樓高下倚雲根更有禪林別啓門半嶺江光天不夜
兩廊山色畫常昏諸方領衆人皆老丈室傳心爾獨存
少壯幾時鬢白盡每逢故舊話師恩
山腰樹杪老僧房磴道穿崖覆曲廊萬里江回遮院過
千帆風阻進藏藏撥開絕壁驅頑石爲讓卑枝砌短牆
約定歸舟留一宿竹牀閒話佛燈長

虎丘

遊吳每欠虎丘詩老去詩成憶昔悲崖壑漸湮前代蹟
軒檻相望上官祠新妝婦慣要人看絕藝各爭報客知
應有可中亭畔月清光不異故年時

送余佺廬中丞內召掌憲

中丞雅意化三吳，詔領臺端拜命趨。
法弊兩年知漸革，民勞七郡許全蘇。
牙旗畫卷春風靜，幕府宵深海月孤。
自識澄清根本重，却教惆悵滿東隅。

自昔繁難號此鄉，安民不事苦更張。
身惟一儉風全變，治與維新吏盡良。
遠念故交徵著述，行看衰腐有輝光。
白頭遮道車前滿，第一攀轅是老狂。

典裘歌

江南開府駐東吳，門冷如冰自昔無。
舉家盡食江船光，吳中水外無所需。
錦衣珍饌久寂寞，閒却駟騶裘不著。

有時典錢贖故人官高衣服寧嫌惡中承意氣舊豪華
特惡吳中風俗奢表率樸素自身始一時民吏爭咨嗟
卽今著出大布好閭閻競羨儉爲寶過市曄貂絲足羞
不衷妖服迹如埽一裘價重值幾金典裘務慙墨吏心
卽使裘去還堪贖典裘爲挽奢淫俗不然羔羊素絲節
亦小區區潔身何足道吳人言此一裘關係多邀予爲
作典裘歌

雨泊青楓市望仝廬舟不至枕上偶作

一路追隨晚泊同差池數里宿孤篷朱衣吏候沿途雨
白舫人醒徹夜風共盼旌旗煙樹外遙聞鼓吹盡船中

田間詩集

卷二十四 銘 贈 贈

人

應酬此際知初靜正檢文書蠟炬紅

揚州訪汪辰初

關橋乍泊旋相訪問徧揚州識者疎市井草溪尋巷入
江城花滿閉門居僊驚客到饒蠻語篋付兒收祇漢書
我過七旬君踰八笑啼同是再生餘

猶憶城隅訪舊年孤蹤早上漢陽船一家局促三間室
廿載崎嶇萬里天筆墨資生何處賣艱危紀事異時傳
白頭相見留溪坐又損餅中糴光錢

吳門酬胡孟綸中允

中允胎傳筆有花近天揮處作雲霞早年聲價輕高第

先世文章數大家身貴轉看增道氣學優未肯任才華
知君刻意追風雅燭跋尊寒與正除

贈劉衡調憲使

此鄉民物已非前蘇息凋疲賴汝賢一節霜清邊海郡
千帆風送過淮船閒門柳色迎車起京口棠陰駐馬憐
但是有閒偏好客簿書堆處聽詩篇

同杜于皇吳六益集劉衡調使君甘華樓共用

華字

林塘曲折石蹊斜山色憑闌一望餘
淡院回廊誰可到野橋荒寺不教遮
使君才大身難逸賓客肩隨屢總華

白雲詩集 卷之二十一 詩集 七
莫怪老狂無禮法半生嘯傲在天涯

依園雨集共用高字贈顧迂客

雅集憐同調吟壇重二毛先朝人漸少早歲士能高聽
雨留歡久呼車送客勞夜淡爭欲散獨讓白頭豪

徐果亭耘圃

別業無多地吾憐野趣偏祇期容嘯詠頓覺有林泉結
詩功何限登臨意浩然不忘名作圃蔬果匝池邊

幽居何必遠宅後卽園林曲水盈盈抱高軒面面臨過
橋荷葉小隔岸竹陰深謝客無來往悠然得此心

和志愛疎豁虛堂敞不遮城陰離外曠野色雨中餘階

暗添梧葉池平曷藕花近牆留古樹新買自鄰家
半山功未竟三徑客常通談笑無時事交親半老翁
階新過雨簾戶自來風一片夕陽好高低增寺紅

徐藝初招飲園館

此地昔閒曠藏書初有樓清池今更闢老樹下垣收詞
客坐常滿高賢到卽留白頭交累世無礙往來遊
倚池平疊石高下作層坡設席當風快移尊就月多客
喧爭酒令童靜遞笙歌我老猶高興其如量減何

輓張帶三先生

吾道復誰在如君一面難貴池逢作客閩海認同官苦

節無人怪長貧與世安祇今陳几席猶見古衣冠

昔問長公疾遠尋涇畔廬榻穿無可坐屋小自來居守

口容嘗酒癢身戒著書家聲看漸起懷抱轉難舒

乍失白頭伴淒涼影獨憐倚閭遊子遠

陳章公車未返盡室病

人眠恨事愁中聚

時仲子亦歿

傷心老去偏橋邊揮淚別此

別是千年

漫有生芻致徒傷澤畔魂克家嗟孝子接武見文孫飲

罷杯仍覆點殘書尚存劬廬枯坐處長對墓開門

周應垂招飲

周郎天下士意氣早知名每念途窮客還敦世講情

詩追夙昔對酒憶平生無幾遺民在爭邀伴老僧
媿荷通家設交遊異代疎共推三世學驚覩一門書酒
勇杯傳後蘭芬客到初看君多爽氣已覺暑全除

寓示應菴雜作

到此千求嬾溪邊野趣偏菴藏歌妓僧門繫賣書船未
晚先僧浴當風對客眠且逃炎暑過行止但隨緣

離城不厭遠喜近故人居隘巷難騎馬官河禁打魚杯
停消夜酒盤美及時蔬愛爾師徒靜無言暑覺除

隔溪見林屋清嘯有張融竹院循籬過秧田取路通客
心憎汝情吾道與誰同莫怪耽閒謬還他老放翁

日南言集
卷之二十一
未有僧房空聊從殿側栖侵晨高樹鳥向午隔鄰雞心
殊無可用書恨未多攜且趁完詩債行吟每日西

贈寶果上人

早歲稱菴主終年想住山此生期出世原不爲投閒
學應無礙塵勞豈盡刪自憐知解脫猶自滯人間

贈惟浩上人

端居勤梵誦風雅意難忘苔色碧侵榻竹陰清滿房律
工吟欲苦人靜對先涼卽此全心敬何殊入道場

喜晤陸翼王

官舍期先失江城訊枉通祇知吾計拙何意爾途窮時

命自然謬生涯大抵同故人相待久早去趁秋風
徒步憐吾老旅居怪爾偏書于何處借書復幾回眠著
述晚尤慎見聞真始傳此來少問難淡覺負餘年

同陸翼王林安國張洮侯飲吳六益東郊雨花

樓

松江昔有陳徵君身隱九峰天下聞同時公卿互推獎
至今傳其詩與文徵君匿影在空谷近城東郊亦有屋
有時入城相應酬高士何嘗能免俗余山山下頑仙廬
松聲竹色委荒墟丘壑圖書爲誰有此屋幸與詩人居
詩人近體長句好海內賢達爭傾倒行年七十子克家

小樓高詠足以老暑天召客客登樓凭闌千頃皆平曠
良苗懷新遠風至遙指獨樹徵君留樓上五翁皆皓首
一吟一觴一杯酒畫家寫作高士圖不知猶附徵君否

同豫章玉樹避暑張梅畚園中卽事

六月六日氣焚如逃暑往尋張祕書祕書亭館吾咫尺
望見竹樹陰蕭疎雙扉苔澀久不啓三徑草荒始敢除
君亦畏熱不出戶相見袒褐辭巾裾森森簟簟暗淡院
北窗臥起風徐徐君家兄弟皆善飲何以佐之池中魚
舉網取魚魚亂擲入池十網九網虛須臾得魚旋酤酒
我家忌惟噉蔬池邊雜樹皆擁腫池內往往栽芙蓉

繞池大半俗人宅亦有美人臨水居藕花初放美人摘
至今菡萏不敢舒急邀美人歌一曲曲終有花開前渠
同陸翼王張洮侯吳六益家武子飲林安國宅
宅故孫氏居別業

幕才交辟久垂老賦歸與不復營生產惟應典舊廬一
尊常燕客半世已鰥居得意是何事鐫成自著書
孫公亭館舊猶見古園林畫壁苔痕隱書窗竹色淡數
峰前代石獨樹一庭陰不是高賢住誰來野客尋

晤計子山

故人三載皖江城夢裏猶疑滯上京鄉里爭承帷幄惠

江山曾動嘯歌情
田間自不知官長
幕府何由識姓名
見說中丞能好士
逃虛淡訝老狂生

西林寺訪吳日千

似爾真高士居然一老髯
儘多逃世外難得斷名根
天意應無悔吾心豈足論
不知顛顚客今得幾人存

氣靜詩書裏神寒丘壑間
故人皆白首何處是青山
於世都無累此身落得閒
祇聞朋好至倒屣爲開關

身外惟賢偶安貧得自如
祇緣生易足非與世偏疎
客舍還儲酒僧窗少看書
中丞雅好士無處式君廬

海內稱詞妙超超孰汝過
怪來存集少只是讀書多
文

應人家乞詩憑記者歌千秋有大業不作意如何

武林僧索題辨利院用吳日千韻

小埤虛亭桑葉遮養蠶作繭是生涯世間纏縛皆如繭
落得山僧早出家

桑埤卒

一滴中全萬頃波源頭活處本無多錢塘江上潮來往
如此盈虛不動何

生生泉

清池一碧淨無痕惟有孤光浪裏翻只恐太清魚不樂
放他生正未知恩

滌月池卽放生池

田間詩集卷第二十四

日間詩集

卷二一日客隱集

百

田間詩集卷第二十五

客隱集

起甲子止丙寅

甲子夏六月客松江遙祝曾青藜吳門六十初
度

寧都才子曾青藜半生飄泊無東西鄧尉村中住不穩
卽今又在閬門栢劉家浜內一層屋樓下讀書樓上宿
兒女朝臥婦誦經僮僕偃蹇飯不足時時沽酒飲故人
衣衫典盡何時贖當年意氣胡崢嶸單騎直入銅馬營
豺虎十萬爭受撫銅盤歃血推主盟金印早辭進賢伯
龍旗請駐潁州城時勢旣非天意去金精峰上埋名住

易堂諸子共躬耕何年又踏江南路老夫相識荒江邊
爲談往事淚如泉是時君年甫三十迄今又過三十年
年來不入諸侯幕人情世事總蕭索到處干求不救飢
舉家惟賴賣文活君兄亦負不羈才一生孟浪死可哀
同時慷慨談兵者自我以外誰在哉君今六十未爲老
老去窮愁身足道造物生才將有爲如此結局殊草草
丈夫失志真可憐區區發憤託詩篇君不見吳人滿堂
爲君壽但稱君之詩句千秋傳

酬張洮侯

我客西郊一月久張翁時來門不叩翁與我同壬子生

彼此相看皆白首往時魏塘

請子存

同我來訪君深巷欲

若酒斗室能容四方賓盤餐一任中饋婦滿牀顛倒讀
殘書盡日諧謔忘形友作詩嘲君寫君生至今猶載同
人口如何別去十三年蕭然家室一無有客訪君多不
在家出門門付老姬守我老既懶復瞞細那得健步隨
君走昨日邀我入倡家鏡中不自嫌老醜酒量談鋒仍
舊雄形骸雖衰稟氣厚君昔同事皆大賢其人雖死名
不朽君惟未死無盛名天奪君名予君壽嗟我一生爲
勞薪心血已枯生亦偶從此更別十三年猶能從君飲
酒否

贈張漢度

雲間往事不堪思，重話交游聽者疑。
唱和半非壇坫侶，姓名猶有弟兄知。
青門訪故無遺種，白首逢人見小時。
何物艷詞君記得，蕭娘爐畔醉中詩。

訪董蒼水

倦遊歸臥興何如，三徑蕭然雨過餘。
客髮半衰爲客日，情懷早見入門初。
年深水檻苔常古，秋老瓜棚蔓未除。
共說在家貧亦好，憐君無計得安居。

董蒼水徐鹿公招同張洮侯漢度卽席

頭白三翁共艇來，籬門不叩早時開。
已聞入楚裝勞治，

蒼水復
欲楚游

又見游梁客倦回

唐公初
歸自市

老主文尊猶代賤貧

中婚嫁逐年催尋常鮭菜堪留飯畢竟經營費酒醅

同姚侯登一覽樓有感

五茸風物一樓收二老相攜樓上頭樹杪微茫孤塔出
雲邊斷續九峰浮市煙漸合江城晚隴猶平鋪海國秋
處處朱門新易主不堪回首舊交游

題曾謙菴太守峰泖圖扇面

分明泖碧與峰青更有閒情筆未形太守風流何處寫
溪邊虛作醉翁亭

重遊上海訪史簡菴明府

五十年前此舊游江天風物又新秋
自憐久客輕黃浦應少遺民識白頭
地闢田疇邀雨足渠通潮汐遶街流
政成祇覺人情便怪得農歌夜不休

贈朱拜石

重來人事已非初鬚髮相看漢代餘
身健可憐長絕慾眼昏應爲久抄書
圍棋賭勝情猶勇酒政從寬興未除
我老較君差一歲那能無累自蕭疎

八年前共武林孟曾約歸從此地回
風物尚存前代夢閭閻今似再生來
爲謀僧舍央留住每叩庭扉自起開
話舊更潛知已淚天涯碧血最堪哀

謂君家文
成先生

贈張弘軒

高樹沿渠小徑偏，泰山守罷早歸田。
長才祇借鄉邦用，公論常爲父老先。
四海交游爭輻輳，半生蹤跡載詩篇。
閒談往事君猶記，恰好詞壇長十年。

君壬戌生

同朱拜石張弘軒過鐸菴訪說大師

屢約尋精舍，今晨始見招。
編籬深作巷，疏沼暗通潮。
客到苔初破，僧閒暑自消。
漫勞談出世，吾意已蕭蕭。

張公舊池館

昔爲蔽竹山居

今作老禪居，鍵戶防求回。
臨窗好

著書綠楊扶，更臥錦莧卷。
初舒聞說桃花放，武陵溪不

如

贈孫愷似

孫郎久不見懷抱向來奇暗雜封王使傳回屬國詩夷

中吳土語

云高麗人方語間與吳同

海外漢威儀碑記通篇誦徒深

異代悲

有碑紀先朝恩德

艾玉立招同朱拜石張弘軒孫愷似宴集

五十年前客重來一邑嗟論文悲異代

昔在邑幕間試職於君先世有

文字之知

敘舊得通家大宅繞新贖長筵仍舊華看君敦世

講歲月未言賒

寓圓明菴作

予以前甲戌游上海今甲子重來蓋五十二年矣風景已非人事迥

異寓菴中決句老態旅況具見乎詞

江城往事不堪思
小院幽栖又一時
來去祇由黃歇浦
遊觀莫問赤烏碑
爲求縱目躋荒隴
未許行吟出短籬
秋色滿庭蟲語急
老僧長伴客眠遲

贈徐西厓

城南徐孺子
傾蓋已情親
早歲交游徧
還家帖暉新
久遊同始攻
舉于業
自然風雅客
難得性情人
壇坫雲間盛
如君已絕塵

贈別徐道積

謝家兄弟好叔子
倍神清遇物無疑滯
持躬特老成門
尊前代客世篤故
交情多少千秋事
時名豈用爭

客袖清風滿常吟枉贈詩因君遺老念重我昔游悲古
驛銜盃夜高齋讓榻時殷勤無限意別後最相思

梁溪贈陳集生

三吳來去此通津爲爾情殷過客頻出處人皆同臭味
應酬天授有精神竹牀紙閣曾留臥白酒青蔬不諱貧
怪是無家偏好士江東誰不識陳遵

甲子除夕西田莊口號

雪擁雙扉度歲新身爲萬曆老遺民六年辛苦三間屋
一室團圓四代人稚子可能勤繼述諸孫慎勿厭情貧
漫因除夜傷遲暮且喜添齡報早春

乙丑元旦立春

開歲逢春第一天餘年贏得又新年
吟成枕上呼兒寫
雪滿山中謝客眠
梅萼應舒橫屋角
柳條須插徧池邊
詩文刪罷閒無事
更註離騷訂七篇

寄家左車大梁

送別江天一鴈飛
臨歧惆悵願多違
祇期迎旆還西上
忽念倚閭竟北歸
長路風霜嗟獨往
深秋早暮憶無衣
衡州更去向年事
望爾朝朝候竹扉

送別張敦復還鄂

奉詔趨程驛路賒
乍辭三徑理征車
宦情久淡偏承寵

主春方濃敢戀家休沐幾曾離翰墨對場多是吐煙霞
知君別後難忘處碧藕當軒萬朶花

秋至天清一鴈飛故人相送出林扉青山來去雲常在
白首追陪客漸稀讀易有書陳講幄吟詩無夢到漁磯
賜金園上親栽樹爭長新陰待爾歸

新秋同諸子赴張玉叔碧峰之招上探披雪還

集秋樹堂分得雨字

出郭朝氣清秋山淨可數碧峰久見招遙指深松塢溪
聲遠近聞礧道曲折取迎車野花開當門怪石拒豁然
得高軒萬象一以俯前山展翠屏衆壑紛搶戶爭嗟制

作新山水應有主瀑布吼西厓下橫茅亭古聚坐八九
人對面不得語更上轉奇絕窮源斯可覩力怨老夫衰
興爲羣賢鼓扳陟盡險艱扶持辭僮豎敢信身能輕所
恃杖堪拄果然得真源憑空雲際吐絕壁湧銀河漫漫
雪花舞泉聲一何喧濤勢一何怒是時天晝晴颯然衣
上雨悄焉暝色生出谷始亭午還坐秋樹堂分題及老
腐且復共斟酌勿事行吟苦此中定有詩歸向燈前補
陳官儀後山亭子

孤亭根絕壁雅志半年成費少人分任工多手自營湖
連通市白月過隱星明安得扶闌穩免予踏險驚

春雨從江李杞瞻旅舍作

丙寅

都門別去杳難期聚首江村暮雨時客裏窮愁翻作主
天涯汗漫但存詩招尋未覺交遊減仕宦頻驚踴躍奇
恰好春泥歸不得白頭拄杖日追隨

貞靖祠前白松歌

杞瞻出自松歌見示爲述貞靖房先生死事本末先生令

嗣興公吾老友也接筆屬和便寄與公

先朝國變死者多屬筆常恐傳聞謬涇陽李子有至性
旅夜示我白松歌白松對峙森如玉貞靖祠前陰滿屋
酒酣爲訴貞靖賢更出紀事移燈讀當時巨寇初陷秦
秦中生死無完人先生絕粒志已決四海塵昏早潔身

鄉里士民重節義請官建祠私議謚孝子祠前手植松
廿年遂有千尋勢松不凋兮白不涅亭亭枝幹標高節
清風已信洒塵寰皓皓更見凌霜雪李生詩力老且堅
我欲和之氣蕭然尋常題咏亦可已此詩應藉此事傳
先生象賢吾老友把我詩篇常在手通家曾未拜牀前
弔忠反愧居人後卽今拜公還拜松歲寒此外復誰同
可知西向題詩客白首人間遜世翁

浮山示山足上座

浮山山下華嚴寺憶我遊經六十年

別此山五
十餘年矣接踵上

梯猶子侍

舍姪臨
祥同遊

攜筇探勝老僧先傍崖佛殿巖垂霜

日長集
卷二十一
五言古詩
隔嶺僧炊洞洩煙看徧名山輸小巧獨教詩句半窗傳
雷龍號半窗有詩

酬李醒齋文衡

詞臣新沐主恩優特簡衡文第一州遂使繁聲還大雅
果然藻鑒盡名流搜奇應少遺珠歎懷古能無故劍求
回首西園酬唱夜清光仍見月當頭

勝集高吟永夜樽別來潦倒不堪論篇章祇藉交游重
氣誼寧知位望尊風教一新多士變書香得繼故人思
卽今車笠情誰篤信有南州古道存

李醒齋下徵拙集漫錄詩易莊屈四註呈教詩

以志感

白髮常江老布衣終年一卷掩雙扉自矜風雅篇章減
偶悟圖書講授稀出處未能忘故舊徵求已覺有光輝
編摩爲送窮愁日且喜編摩志不違

自倦遊梁久索居驚傳寵問賁荒廬早知家世尊經術
還向周秦覓異書莊叟似能明易義楚辭直可賦詩餘
卷篇無計全鈔上莫怪年來著作疎

酬程松阜中秘

奉常交誼向來疎中秘殷勤獨好余召客論文時置酒
蠲資給札與鈔書虛名何意騰京國吾道應甘棄里閭

怪爾耽吟思執禮共窮經學意何如

時欲就賢於予

酬童方平

吾家外族世多賢

童爲先外家

舊宅城南小巷偏一榻梧陰

留客坐半間書室與人連爲窺圖象門常閉但得篇章
手自編長夏窮經難校苦可知經學要君傳

送門人吳天況廣文之吳江

松陵吳越交衝地學舍巍然面大河隔郡生徒趨講席
停軒使客聽絃歌扁舟到處湖山好紗帳閒中唱和多
莫謂老人從此別餘年猶擬數回過

張我思東亭

一路籃輿出稻畦詩壇老友半招攜童年逐伴悲前代

高樹成行憶舊蹊

予六十年前過此今非舊蹊矣

釣艇花間藏翡翠官

堤柳外過輪蹄知君最有西塘夢小檻綠池故向西

竹葉亭示姚綬仲

小院虛亭萬竹環客來盃酌未全慳林中把臂通三世
坐上揮毫又一班酒伴久無嵇阮輩交情合在紀羣閒
新詩吟去爭傾倒肯放文心白晝閒

修堂招飲酬張子基大理

回首西堂高會年簷簷繞檻故依然家聲益覺門庭大
客坐驚看故舊偏五色雛成初出穴三珠樹起漸參天

知君志切晨昏戀不爲投閒乞假旋

秋雨渡江訪趙貴池心遠

潮褪江頭江水平扁舟冒雨渡江行
遠山雲淨孤城見近浦秋深合郡清
村社犬眠無吏跡官衙鼓靜有書聲
尋常閉閣人難造敢信神交驪屐迎

曾同徐孺滯京華屈指文壇數作家
竊恐簿書妨嘯咏仍聞圖史是生涯
芙蓉秀出千峰色桂樹香傳滿縣花
如此吏情殊不俗知君曾自有煙霞

贈華中滑學博

苦苦延階小徑偏披帷一榻故蕭然
成名未了盡鹽漬

好客難支月俸錢雅志詎能辭俗吏感懷曾不棄塵顛
同官死事歸無計齒頰周旋仗汝賢

時家介臣廣文喪未返

送宗鶴問廣文假歸揚州

八月濤聲江上秋廣文心急下揚州經營行旅仍邀客
委曲官衙管買舟宦薄總無初意氣吾衰唯記舊交遊
竹西歌吹前朝夢爲報狂生久白頭

過建德留別金賓王廣文

千家小邑聚巖阿爲借高軒足嘯歌絳帳曉開黃葉滿
青山畫舫白雲過官貧每爲交游費身病還憐應接多
我住江村舟楫便往來時可逐漁蓑

寓孔相國坐論間有感

子於孔氏爲世交憶甲戌秋謁公於南宗伯署

中國首五十餘年兩姓兄弟惟予獨存予今年亦七十五矣因成長句以志昔誼

猶記留都上謁初叨從子弟拜階除秉鈞德著辭朝後
報國軀捐哭帝餘城市久無旋馬宅園林借與廣文居
通家祇剩衰殘叟莫怪文孫誼已疎

鄭繼之寓宅小飲

看山郭外遠移樽別緒重思促膝論自向臥房開藥酒
且留小酌謝梨園

時有優觴見召者

貧餘庶下纔容榻交滿城

中少到門往事話長誰聽得白頭獨有此翁存

詹上寓目

關樅舟難過，偷從小港通。盈街腥網戶，駕浪接漁蓬。盜散從軍去，防穉汴地空。前途湖面闊，愁煞起西風。

承漢陽明府張壽民移樽鄂渚用謝

楚天風物接江鄉，來往人爭誦漢陽。官但潔身爲政易，治能省事卽才長。薄書堆裏心偏靜，車馬塵邊坐有香。自昔見君溫似玉，早知作吏號循良。

盈盈一水贈，弦歌遙指晴川此。再過置酒自應煩地主，移樽底事涉風波。衰年作客交情少，旅食關心古道多。知爾飲冰無宦業，故鄉人集可如何。

張武仕別駕初度

至後經旬日漸長嘉辰春早勸南方思親不奏稱觴樂
報母惟添禮佛香江上誦歌連梓里樽前賓客聚同鄉
沒矜跨鶴仙人近衙近黃可勝龍眠舊酒狂

冬夜集葉慕廬寓齋分得心字

武昌城北晝常陰潭巷頻乘欸段尋卽席分題名士習
隨時小酌故人心酒從近舍沽偏釀詩到衰年逼始吟
莫怪老狂頭白盡看君取次髭毛侵

開遠堂燕集觀伎卽席和韻二首

妖姿偏與舞衫宜約法停盃看柘枝恁煞大娘雙劍起
青萍鋒裏轉腰肢

雜劇單呈怪眼花近前代酒背人斜使君不許分明看
明日開筵設絳紗

移寓漢陽千谷招飲不赴贈詩見嘲依韻

金陵班裏小陳多歌舞剛能勝綺羅料是旗亭無我在
出揚端不唱黃河

舞席歌場夜夜陳白頭翁到滿堂春今宵燭下爭相憶
賈少顛狂首事人

戲作和千谷韻

白首紅筵每夜闌上牀長是曉霜寒如何密坐反思睡
合是花從霧裏看

酬葉蒼崖少恭招飲

歲晚江城官舍清，開樽夜召老狂生。
曾經陋巷停車問，纔及龍門躡履迎。
客到半酣談益縱，詩逢勑敵句難成。
看君吐納真風雅，怪得同聲藉主盟。

黃浦驚濤早歲過，餘年重覩舊煙波。
自憐易代交游少，遙指南村著作多。
近侍卽今親吏事，鴻文恥復應詞科。
天涯忽漫尋遺老，爲許樽前發嘯歌。

同楚學使者集開遠堂觀伎

紅燭清檠接坐香，新從江漢攬羣芳。
筵前仔細聽吳曲，醉後傾頽任楚狂。
校士技誇雲夢獵，選聲樂快洞庭張。

可憐小伎能歌舞也點頭頻許冠場

立春後一日龔觀察成少泰邀同顧黃公方與

三宴集徐方伯梅雪堂觀劇是日微雪梅亦

初放

高觀山半敞亭臺節使移樽並駕來爲念故侯偏潦倒
却邀遺老共追陪酒巖庭雪寒全散歌徹檐梅萼盡開
正好觥酬酣拇戰曉鐘底事欲相催

吾鄉方伯舊風流爲愛湖山破旅愁宦後論詩係老友
閒中送酒有諸侯樓前花朵移燈見郭外江光卷幔收
小伎夜寒何處宿教人臨去幾回頭

開遠堂除夕和何蔚宗韻

同是天涯客偏予物外身詩篇遵罰例賓主盡詞人酒
量衰年怨鄉情異地親歲除何足惜且喜又新春

田間詩集卷第二十五

田間詩集卷第二十六

客隱集

丁卯

贈龔千谷觀察時將初度

湖南湖北楚疆分一節新兼屬使君
地闢舟車勞總轄才長籌算已先聞
商檣雲集通鹽筴驛路星流驗馬羣
物望漸隆身漸貴相逢軒笠正殷勤

君在講部以善其問

理勞曾未罷賓筵依舊先公好客年
渤海政聲應有譜合肥家法不留錢
簿書滿案精神到歌舞當場唱和偏
聞荷時流相勸誠諸君惜未見前賢

潦倒京華旅食春朱門欲叩每逡巡
忽驚托駕尋荒寺

便約攜筇伴老親共事久憐交道古相知
漢識孝思真榻前坐上今餘幾爭怪吾兄重故人

憲府森嚴許數過嘉辰相慶早春和庭階詠就更班誦
賓客詞新選伎歌勤政但須綱領舉省刑終是吉祥多
知君官位隨年進馬齒增衰奈我何

元旦雪集開遠堂限開字

歲朝官閣綺筵開雪片隨春獻瑞來却點庭闌添玉樹
故粧林岫作瑤臺謝家爭會臨階詠梁苑寧煩授簡催
郢曲漫勞稱宋玉白頭無復舊時才

元日雪龔叔損初度索詩

合肥宗伯後多賢傳癖書淫覺爾偏得歲偏生二居歲首
添丁已定是丁年叔損歲三十
望子特甚花開彩筆矜初試雪映
斑衣喜更鮮門內孟陬多覽揆怪君獨僭父兄先

三日邁種初度索詩

春明聚首日披帷每覩雙眸歎異姿問字趨庭頻大父
傳經接座有名師故人重見情偏篤往事淡談客不知
歲月飛騰三十過而追祖武已嫌遲

同諸友移尊爲千谷稱壽君卽席有詩用元旦
韻依和

新年幾度綺筵開又值佳辰預祝來推愛自然邀舞袖

君所受陳使移尊聊復借歌臺爲愁馬滑仍留宿早聽雞聲
不敢催一坐主人爭勸酒揮毫早讓使君才

同龔千谷僉憲過湖卽事

夙有湖南興今來逐伴行風平官舫穩雨住楚江清驛
吏覘牆影商船避鼓聲衰年因老友遂此壯遊情過金

轉苦艤艫鬧中途擬換船非關圖遠謫舟中有且得遂

安眠笳鼓聲遙發更籌點暗傳所求容筆研隨意詠詩

篇小陵夾
擬換舟

莫厭漁篷窄吾裝本自輕可憐爲客慣常是趁舟行帆
短風偏駛虛窗月倍明故人能給光但爲買茶鐺

菜花綠斷岸遙指祭風臺戊卒鳴笳候官船望港來
懸漁子去殿廢廟門開客有登臨興偏遭暴雨回
雨不得上
泊祭風臺

巡更無旅鴈接飯說神鴉不見沿堤柳遙憐野戍花帆
收勤轉花汛僻早吹笳夜靜西風裏濤聲走白沙

津市帆檣集千家煙火浮一堤遮浪水萬里接江流生
活爭魚利逢迎有客舟洞庭門外水容易往來遊
新堤

早過荊河口欲帆望岳州綠山殘雉堞背嶺見層樓
望見岳陽樓

燭燭門殘滅書籤近慢收長年教穩臥船泊上

風頭泊岳州城下風雨

洞庭波未大樓勢倚高空稍覺湖光遠猶令詩思雄客
來題欲徧老去目難窮却笑杜陵叟吟成想像中
岳陽是時春水未生遠望洞庭草草賦詩而去洞庭冬春之交則水落接工部亦以冬盡春初過湖所爲詩亦想像得之非實見也

岳州形勝地半嶺削成城一自三方叛還勞百戰爭桃
花無主放麥秀占墟生黯黯春光早偏增感舊情

君山樓檻外樹色帶雲浮近郭兵常到當軒客少游沙

屯亂日馬汀泛古時鵬野廟含嘯處遙遙二女愁
望君山

中流望不極水落倚汀沙振柁迎風駐移篷避雨斜客

檣投關集人語上幫譚可惜湖心月今宵故故遮
湖心

北風朝後發坐穩若乘虛祇覺前帆退還嗟後伴疎天
長無過雁波闊少逢漁不許臨流指神君倘恕余舟人禁不

得指

曲岸維舟處相傳是汨羅昔人遭放逐常在此經過祇

憶行吟日如聞漁父歌地名灣倍直還怪直猶多湘三

灣口云是

汨羅江

湘陰南去路風物似江汀夾岸吹沙白迎船遠岫青野

花春濤濤獨樹雨亭亭羨爾來舟穩愁心是洞庭湘陰道上

篙聲中夜聞解纜讓來船下吏侵泥候閒翁聽雨眠江

聯十里艇郭鎖萬家煙岳麓朝雲散三門已歷然泊沙

人署寓樓上望見岳麓

入署吾無事樓高限苑牆城頭傳漏鼓屋角過風櫺春
雨增卑濕朝嵐接泥茫小窗貪睡足隨意理篇章

對月

楚國偏多雨朝晴始見春簿書勤幕客文酒屬閒人山
出如雲散輪虧似月新時既望始見月故園松際好應念老夫
頻

過賈太傅宅

賈生宅傍市廛開爲惜春泥蠟屐來王傅未應嗟放逐
漢文要算最憐才并泉自滿通街汲碑石重新過客哀

誰使湘纍同組豆冤魂長此其追陪

同諸子岳麓卽事四首

二月晦日

春遊還伴屢延延猶趁今晨二月天岳麓纔收昨夜雨
湘江不散古時煙草根萍聚流人宅冰面花浮小伎船
直擬登峰還極目一生高興到餘年

渡湘江

絕頂亭荒片石孤波光一白散江湖籃輿失路山花引

荏苒登危小吏扶大地圻煩龍尾劃

山海經禹治水廬龍以尾劃成川澤

連山奔豈赭鞭驅署樓指去天疑近何意憑陵雜老夫

禹碑亭

四山午靜響松風下嶺尋鐘仄徑通寓客安單禪誦裏

老僧供茗竹聲中，負簪歸分班綠。躑躅花齊繞道紅，
殿脚寺門非所見。洞庭赤沙吟詩惆悵杜陵翁。自雲麓

去此甚遠
施寺

講堂傑閣倚山開，取次浮湘並馬來。湖色重重當戶見，

泉聲曲曲繞階回。中丞勝事存書院，

爲舊撫周君重建

名士春

遊泛酒杯我老欲眠君輩飲，爲憐小戶恕相陪。

飲書院

贈趙雲巖糧儲

使君名德古仁人，一路謳歌佛號新。

湖南蒲趙佛子

緩轍幾曾

虧額賦，寬刑偏是感頑民。晝閒閑閣山常靜，雨過寒帷

麥早春。試聽兩湖交口誦，未煩識面已情親。

輓鄭肯堂

谷口爭稱鄭子真，華亭高會片時歡。
我同青山頗類人，名動公卿羞在道。
身經都邑不霑塵，扁舟別後乘雲去。
剩把遺編手澤新，時子相晤雲間以大編見示

白門賸方望子自嶺外回

君家兄弟有奇才，何處雲山不到來。
足徧四方雙眼大，身經萬死寸心灰。
故人世外偏勞念，詞客天南已共推。
攜得羅浮蝴蝶繭，相看疑在夢中回。

題姜勉中卷子

萊陽姜給諫生死一從軍，祇信承嚴譴。
敢思昔故君還

親餘數齒報國此孤墳附葬兒心盡千秋守白雲

地中既葬

給諫皮所瘞其墜齒於先隴後移母權附葬

過京口不得泊寄王个菴太守

京口舟車四國通政聲千里挹清風江山不改南朝舊
保障還增北府雄市井晏安無吏擾官衙澹薄與民同
扁舟不繫遙投刺曾記高吟白髮翁

憶到金臺髮始皤青箱堂上屢經過先公念舊誼諸恕

老友忘形嘯傲多風雨開尊頻授簡

君昔置酒索詩

江天倚棹

獨行歌也知謝客難辭我其柰舟師夜渡何

從孫旆秋薦志勉

吾家灰冷百餘年，賴汝孤生火再然。敢信文章投主好，
定知母節荷天憐。母氏苦節多年讀書有效功難竟，立品方新
願早堅。從此致身無限事，區區科第幾人傳。

贈王安節必草昆仲

城西來往屢披帷，見汝肩隨上學時。性不茹葷胎有種，
才兼雜藝智無師。爲耽篇什摹成畫，但寫林泉意在詩。
本擬逃名藏薄技，轉教名字滿天涯。

王必草爲寫少陵進艇圖，見贈索題其上，并以

奉酬

小構江村盡室栖，客來謬擬浣花溪。芙蓉礙港推舟過，

魚蟹收曾拄杖攜任意寫真幽事合按圖舉似土人逃
敲鉢畫局皆如見指此篷窗媿老妻

長于感舊

不到長干又八年到來風物益淒然南廊行徧無僧識
久在人間越可憐

南朝古木舊松園千樹今無一樹存却憶垂簾松下店
更誰買醉過黃昏

松影手開脩藏社石谿挂鉢並稱師堂前草塞游僧住
說與師名總不知

枯木堂前漫叩扉禪牀如舊坐禪稀老髯竊據嫌人到

自占窗明補衲衣

古院荒涼石徑斜爭傳院裏盛秋花竹籬倒盡松棚柱
合著鄰人共賣茶

再過弘濟方丈

磴道攀崖上幾層老夫三載兩回登

甲子年過此

可知雲霧

江天裏尚有南朝一個僧

我趨京口因風住君向淮陰爲雨留天要兩翁連夜話
故教風雨阻扁舟

丈室憑虛倚薜蘿巢居興此不爭多大師更擬尋高樹
樹頂安巢學鳥窠

田間詩集

卷二十六 洛陽集

人

舊遊剩得張居士

謂張昇

二十年來臥白雲

栖霞巷名

我不到

山渠不出非君消息豈相聞

華嚴閣上

臨莫愁湖舊為中山池館

高閣湖光四面通侯家別業梵王宮千年物換歸新主

一局碁收憶上公

湖本富人物聚公以碁賭勝得之

倡女曲中名不改

功臣坊裏宅全空山僧未審興亡事惟見秋光歲歲同

再過江陰趙翺九宅上有作

十六年前客再來

壬子九月過北

尋君徙宅近城隈酒尊慣爲

遊人設浴室仍因老友開

壬子曾浴其家

往昔唱酬誰復在卽

今鬚髯見猶猜佳兒別後新添得已會留賓代汝陪

江陰陸雲士明府招飲署齋

澄江官閣動邀賓，意氣惟於風雅親。
名士豈能爲俗吏，軍城何幸得詞人。
嘯吟侶外逢迎少，案牘堆邊著作新。
爲喜同聲忘忌諱，謂助思病餘徹夜恐勞神。

丹陽道上

官路依前撲面塵，市塵無復舊居民。
要知編戶征求苦，顛賴衣妝看婦人。

丹陽古道叱車頻，曾記岡頭遇伯倫。
君誇瑞異一年國，祚應天人是時南都方據新。

甲申五月遇劉晉仲南渡擁

過句曲土橋有作

昔年逐伴此頻過賣飯人家小婦多盈盈笑靨今誰在
縱在應爲春夢婆

買醉壚頭不論錢唱歌有客引人憐電光驚散幽期約

早是遊仙五十年

丙子夏夜與方廣成宿旅店方善歌有密約爲雷電驚散方過一年卽歿

今已五十年矣

九月再過江陰呈李醒齋閣學

蓼花楓葉逐江程三月扁舟兩度行潮汐去來遊子老
雲山迎送故人情秋清身覺途中健客久詩多枕上成
節近重陽剛惜別應留美酒待狂生

相逢偏值九秋天屈指分襟廿四年賓客久無前伴偏

鄉園非復舊林泉，乍承風貌還煩記。曾觀篇章已盡傳。

馬齒偕君詩記得。

余舊贈君有偕長吟壇三十年句。

每增歲月互相憐。

舊遊正值題糕節，此會還當泛菊餘。謝傳風流常入夢。

謂尊先公。

孟嘉禮法自來疎。詩腸久澀情難已，酒興猶存量。

不如見說別離踰二紀，生孫今已列賢書。

從孫祐以是年此月生。

漫嗟東閣祕難窺，縱我高談仍昔時。著作叢殘勞采錄。

兒孫次第荷恩私，龍溪祇信由天眷。官大何曾令客知。

已約追隨同北首，冬寒肯教束裝遲。

壽春方綸貴孝廉，索贈因以志勉。

西楚人文海內傳。

取朱先生每自署西楚。

德門早識世多賢，中丞。

名節先朝重大令循良異代憐蓋以明末令瑞兩姓
弟兄存一老通家子姓忝同年相期事業從茲起此是
前程始著鞭

吳園次邀同北平楊香山吳門宋旣庭集寓齋

各賦一章

旅食江城落葉天吳興招客盡華顛交遊漸覺先朝少
詩句多爲後輩傳出處異同成噩夢江湖歲月總餘年
怪余前序偏居長老健相推益可憐

酬園次

湖州太守最風流官罷無家任遠游往蹟寫來煩畫手

有紀事
畫軸

新詞填就趁歌喉吟壇召客惟求舊旅舍謀歡

未覺秋時事紛紛看不得餘年落得閑雙眸

君方目病

自丹陽返白門早行三首

嚴城朝霧隱逐伴過丹陽船活潮來冰橋殘馬去霜圍
兒喧北馱阿姊關吳航自笑白頭叟衝寒底事忙
孔道通吳會沿溪石路賒危隄遲驛騎野阪走征車健
婦錢工數與人酒廂加村村場打稻幾斛到農家
辛苦華陽路多從夢裏行門開明店火路黑迂蹄聲
歇一宵健裘添向曉輕漫嗟山霧重且喜得冬晴

經丹陽口號

驛路通衢此最煩，舟車祇在縣東門。
馬馳橋壞危猶過，纜繞城回鋸有痕。
席帽客來輿價涌，夜航人到主家喧。
僮奴怪汝偏經慣，買飯輸錢總不論。

將入都寄訊東流陳明府

蒲帆五月挂江湄，乍見還驚客到遲。
漏下出城傳禁鎗，宵淡遣吏送舟資。
白門青翰空淹日，紫蟹黃花已後期。
君約九月相過，竟淹山下失約。
欲赴故人都下約，好貽書札慰相知。

皖中飲孟叔子宅上

飲馬池傍老屋偏，孟家兄弟最稱賢。
柴桑亂日尋元亮，甲乙之際聞
移居杏花村。首藉河邊憶惠連，五色鳳雛新出穴，千秋

北甲始肩天

君前值六十

算前漫訝鬚全白屈指分攜十九

年

將近孔城值大雪宿逆旅施孫獨往夜不成寐
出門逢大雪逆旅暫停車獨去情何急前村路尚賒庭
階休詠絮馬上且看花此際投誰宿荻蘼夜氣遮
寒花初作蕊欲放重增寒已覺登程早令知行路難甘
衰投旅宿恃健促征鞍動忍男兒事翁眠夜未安

北爐橋信宿早發

市闌無乾地況逢雪後泥集開添賈客店啓進輪蹄
色分殘月更籌信遠雞圍人多土著前路已先迷

過懷遠渡淮

荆山望不極，眼色已先催。
馬陷車頻覆，船歸客始來。
沙頭呼渡急，店口打門開。
夜禁連宵警，輕裝底用猜。

宿州小除卽事

此生常汗漫，老去厭家居。
屈指一年盡，計程萬里餘。
筒傾攜到酒，裝解讀殘書。
旅舍無燈火，淒涼說小除。

早到徐州不得行

天晴官路穩，無故滯徐州。
歲逼程空算，人閒心轉愁。
沙添移岸近，冰斷塞河流。
好趁風平渡，吾身不自由。

兗州道中同粵東陳崑岡黎文連旌德汪帝臣

及從孫旆守歲

自憐塵外久翱翔還逐青雲客路忙五嶺雲山悲故國
一尊風味喜同鄉

汪君山水
陽酒分飲

圍兒櫪畔通宵曲旅客牀

前應節鰲信是聖人居已近文星聚處有奎光